




川督 奏 密 以 姚 汝 乾 子 子 習 教 游 事 燒 殺 多 命
 抗 拒 官 兵 按 例 定 擬

京報

憲報房

風塵文庫
 文庫 19
 F 44
 4
 早稻田大学図書印



三月十六日理藩院鑾儀衛光祿寺廂白旗值日
無引見成公續假十日
召見軍機

開缺四川總督臣劉秉璋跪奏為審明秀山縣姚復乾
父子供認習教滋事燒殺多命抗拒官兵按例定擬恭摺
具陳仰祈 聖鑒事案查光緒二十年九月初八日准
欽差裕德廖壽恒咨奉 命查辦秀山縣教匪約期滋
事經文武各官會營剿捕已將首要各匪悉數斬擒餘匪
解散一案據有人奏稱州縣妄殺平民飾稟邀功等情與
原奏情形不同奉 旨交貴當經於途次密札派委重

慶府知府王遵文親往該縣詳細確查此案姚復乾等之
謀為不軌係屬傳言惟其習教擾徒左道惑眾已屬確有
証據尤敢挾仇燒殺謝明春等家房屋並燒殺謝明春一
家四命砍傷一人攔寨踞守被拿抗拒率眾迎敵官兵實
屬惡跡昭著將祭器人証解送前來現經再三提訊姚復
乾等俱詞狡展始終未據承認當即查交臬司將此案解
到應訊之祭犯人証逐一詳加研訊務得確情於訊明後
仍俟奉到諭旨遵照辦理等因嗣於十二月二十三

日復准

欽差咨送原奏並奏覆內稱查知縣王壽松

聞所屬團保稟報有傳習邪教聚眾燒燬情事立即分派
兵勇馳往兜拿辦理尚無不合姚復乾等傳習邪教尋仇
燒殺前據該縣稟請就地正法經督臣批准該犯情罪較
首教匪劉廷玉為重劉廷玉已經正法秀山距省較遠該
縣未及奉文交卸適臣等札委重慶府知府王遵文往查
申解來省迭次研訊該犯自知身罹重辟多方狡展始終

並未承認熬審尚需時日現謝田氏供詞亦稍有前後互異之處案內人証不齊往返傳提動需兩月之久查該犯等習邪教畫符咒各使人瘋顛跳舞並以殺雞燒燬致釀巨禍未便以案經提省任令狡避已由臣等札飭臬司提傳審訊俟訊明後詳由督臣奏明辦理等因又准部咨光緒二十年九月三十日奉 上諭前據御史鍾德祥奏四川候刺百姓浪奏無實各摺當經諭令裕德廖壽恒確查具奏茲據查明覆奏秀山縣知縣王壽松於所屬團保

稟報有傳習邪教聚眾燒殺情事立即派兵馳往兜拿尚無不合餘着照所議辦理欽此欽遵轉行嗣據按察使文光將此案姚復乾姚紹得二犯遵照委札先經隔別研訊繼復提同環質各供如一核與重慶府知府王遵文原查無異案情重大後經批飭司道提犯會審以昭慎重茲據布政使王毓藻按察使文光監茶道張元普署成綿龍茂道張華奎審明會詳解勘前來臣親提研鞫緣姚復乾姚

紹得父子籍隸該縣與謝明春田萬芳因訟成仇姚復乾等世居插壁嶺地方險要素習燈籠棍教交結匪類每年二月十九六月十九九月十九等日會集拜燈上表與巫師毛老司交好光緒二十年正月間毛老司借酬神為名常在姚復乾家演習法術以符水飲人能令瘋顛笑舞稱係降神附體能遊鑿炮姚姓人等並其匪黨群飲符水瘋顛愈多發顛時無論男女唱歌跳舞持械喊殺附近居民群相警駭因有姚姓神反之語紛紛搬避祇譚榮沛楊通壽張閏言三犯恐致瘋顛不飲符水謝明春指控姚復乾等那教滋事田萬芳亦赴縣具稟均差與不察二月十八日謝明春與子謝長才出外趕場姚復乾等恨謝明春控告之嫌邀同譚榮沛楊通壽張閏言與各匪等前往燒殺報仇譚榮沛等畏懼偽允走出大門託故落後各自逃回姚復乾父子率領瘋顛男婦多人執持刀械前往將謝明春之母謝向氏幼姪謝長連幼孫女謝二妹幼姪孫女謝春

秀一併殺斃姚紹得並將謝明春之弟婦謝田氏左手腕
砍傷謝田氏跑逃得脫姚復乾等放火燒燬謝明春房屋
將各屍丟火燒傷復率眾至田萬芳家燒殺田萬芳家人
口先已知覺均由後門逃避姚復乾等又放火將田萬芳
家房屋燒燬謝明春等赴縣報案該縣王壽松聞報帶領
人役馳往來農場駐劄擬就告示札諭派書差蕭開科蔡
發先後持往開導姚復乾等自知身犯重罪並不投首聚
眾抗拒王壽松緘致武營分帶兵勇並調集團丁曉拿二
十三日午後姚復乾等率領瘋顛男婦多人執持刀械手
畫足跳直撲下嶺壽字營管帶副將羅昌和率隊前禦
放鎗炮轟斃夥匪四名姚復乾等見法術不靈退回嶺上
拒守二十四日兵勇圍練分路進逼格斃巫師毛老司等
二十餘名焚其巢穴並將姚復乾姚紹得拿獲解縣訊供
稟報檄委石柱廳同知劉廷恕馳往會縣審訊姚復乾姚
紹得供認習教降神挾仇燒殺多命聚眾抗拒官兵不諱

稟經此准將姚復乾姚紹得就地正法該縣尚未奉批適
重慶府王道文奉 欽差密委馳往查勘審訊將犯證

解省提訊該犯姚復乾等供詞狡展蒙 欽差札發臬

司審訊該司提同人証四面環質該犯姚復乾等無從狡

賴各供認前情不諱詳經 臣批飭司道會提訊明解勘前

來 臣提犯親鞫無異察無遁飾查例載傳習邪教習念荒

誕不經咒語拜師傳徒惑眾者為首擬絞立決又律載巫

師假降邪神畫符咒水燒香集眾煽惑人民為首者絞監

候為從杖一百流三千里又殺一家非死罪三人者為首

之人凌遲處死財產斷付死者之家妻子流二千里為從

加功者斬又例載殺一家非死罪三四命以上者兇犯依

律凌遲處死兇犯之子同謀加功仍照本律定擬又例載

懷挾私仇放火燒燬房屋因而殺人及焚壓人死者為首

擬斬立決為從擬絞監候又律載謀叛但共謀者不分首

從皆斬妻妾子女給付功臣之家為奴財產並入官各等

語此案姚復乾姚紹得父子傳習燈籠邪教與毛老司以符水降神使瘋顛喊殺率眾赴有讎之謝明春家殺斃一家老幼四命放火燒燬房屋屍身並將謝四氏砍傷復赴有讎之田萬芳家放火燒燬房屋經縣緝赴選派書差執持示諭前往開導仍不投首迨調兵勇圍練圍拿膽敢率黨迎敵抗拒官兵自應按律問擬姚復乾除邪教降神放火燒人房屋謀叛均罪止斬絞各輕罪不議外合依殺一家非死罪三四命以上者兇犯依律凌遲處死例擬凌遲

處死姚紹得亦除邪教降神放火燒人房屋刃傷人各輕罪不議外其聽從伊父姚復乾殺一家非死罪三四命以上同謀加功併共謀拒敵官兵均罪應斬決二罪相等自應從一科斷姚紹得合依謀殺一家三四命以上兇犯之子同謀加功仍照本律定擬例為從加功者斬律擬斬立決該犯兩犯斬決應照例加擬梟示該犯等均應於審明後先行正法因 欽差覆奏係令詳請奏明辦理故未

先行正法該犯等家屬均於兵勇團練進捕時格斃焚死
姚紹得之妾謝氏羸病已久看管經年現成癱瘓可否免
其緣坐財產已由地方官查明分給被害之家謝田氏供
歸劃一傷已平復其餘概係脅從已由縣分別保釋均毋
庸議譚榮沛一名於審明後病故由該司另詳辦理除將
全案供招咨部外所有審擬緣由是否允協理合恭摺具
奏伏乞 皇上聖鑒飭部核覆施行謹 奏奉
硃批刑部速議具奏欽此

Vertical columns of faint, illegible text on aged yellow paper, possibly bleed-through from the reverse side. The text is arranged in approximately 10 columns, with some characters appearing as dark ink on the yellow surface. The paper shows signs of wear, including tears and discoloration.

共